


20.06.2014.

 width="640" height="480" alt="esv_19.06.14-2"/>

Jučer je održana ova redovna sjednica Ekonomsko-socijalnog vijeća BPK Gora na kojoj se našlo ova tačka dnevnog reda. Nakon usvajanja Zapisnika sa pete redovne sjednice prešlo se na rad i raspravu po tački dnevnog reda.

Druga tačka koja je bila razmatrana je **Nacrt Zakona o koncesijama** **BPK Gora** nakon čega je donesen slijedeći:

ZAKLJUČAK:

I.

Ekonomsko-socijalno vijeće BPK Gora predlaže odredbe izmjene ovog Zakona i to:

U članu 13. Zakona **Naknada za koncesiju** stav (3) u kojem piše:

Naknada za pravo korištenja predmeta koncesije obračunava se jednokratno i u novčanom iznosu koji nemože biti manji od 1,5 % od ukupne procijenjene vrijednosti koncesije iz člana 18. ovog Zakona, Vijeće predlaže da se promjeni umjesto 1,5% u 5%.

II

U stavu (7) istog člana u kojem piše:

Minimalni iznos godišnje naknade iz stava (6) ovog člana nemože biti manji od 10% od prihoda iz stava (4) ovog člana, Vijeće predlaže da se promjeni u 20%.

III

Stav (9) člana 13. brisati.

Č

Treća tačka koja je bila razmatrana je **Nacrt Zakona o industrijskim zonama** **BPK Gora** nakon čega je donesen slijedeći:

ZAKLJUČAK:

I.

Razmatrajući Nacrt Zakona o industrijskim zonama BPK Gora Ekonomsko-socijalno vijeće BPK Gora smatra opravdanim donošenjem ovog Zakona, te mišljenja je da će se ovim Zakonom još bolje urediti veće postojeće industrijske zone kao i otvaranje eventualno budućih industrijskih zona na području BPK Gora i time stimulirati investiranje kao i novo zapošljavanje.

II

Vijeće predlaže da se u članu 6. stav (1) Zakona briše tekst u kojem stoji u kojoj je zaposleno minimalno 500 radnika jer nema potrebe za ograničavanjem broja radnika zbog postojanja mogućnosti i potrebe osnivanja industrijskih zona sa više privrednih subjekata koji zbog specifičnosti posla nemaju broj radnika koji je predviđen ovim Zakonom.

Četvrta tačka dnevnog reda koja se razmatrala je **Nacrt Zakona o porezu na dobit FBiH** nakon čega je donesen slijedeći:

ZAKLJUČAK:

I.

Ekonomsko-socijalno vijeće BPK Gora se protivi ukidanju poreznih olakšica za firme izvoznice posebno firme sa područja našeg kantona koje su generator razvoja kako Bosansko-podrinjskog kantona Gora tako i Federacije Bosne i Hercegovine i cijele Bosne i Hercegovine.

Ilustracije radi, da bi neko izvezio na inostrano tržište mora biti jeftiniji nego na domaćem tržištu, a ukidanjem ove olakšice privredni subjekti sa područja BPK Gora su primorani da poskupe svoj proizvod i


automatski postaju manje konkurentni.

Ovakav prijedlog u vezi poreznih poticaja za poslodavce je neprihvatljiv.

II

Trakimo da se članovi 31. i 32. postojećeg zakona nemjenjaju, jer bi u protivnom ukidanjem ovih povlastica dovelo do smanjenja izvoza, povlačenje domaćih i stranih investitora, pada industrijske proizvodnje i smanjenja broja zaposlenih.

To je posebno značajno i zbog pitanja stimulacije izvoza koji dobija poseban značaj radi našeg ukupnog platnog deficita, jer je uvoz skoro duplo veći izvoza.



Peta tačka dnevnog reda koja se razmatrala je Izvještaj o izvršenju Finansijskog plana i Izvještaja o radu Zavoda zdravstvenog osiguranja BPK Gora nakon čega je donesen slijedeći:

ZAKLJUČAK:

Ekonomsko socijalno vijeće BPK Gora je razmatralo Izvještaj o izvršenju Finansijskog plana i Izvještaj o radu Zavoda zdravstvenog osiguranja BPK Gora, te na iste nema primjedbi i ocjenjuje ga veoma pozitivnim.

Tehnička sekretar Udruženja poslodavaca Adnan Bukva